

Mohd Amirul Kasyful Nur bin Zulkifli

From: Unit Komunikasi Korporat
Sent: Friday, August 11, 2017 9:41 PM
To: UUM - All Staff; UUM - All Students; Staf - Pesara UUM
Subject: Naib Canselor Hadir Majlis Bacaan Yasin Sempena Pembukaan Manager's Coffee



Unit Komunikasi Korporat
CORPORATE COMMUNICATION UNIT
Universiti Utara Malaysia



11 OGOS 2017 / 18 ZULKAEDAH 1438H

=====

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Oleh: Nordiana Shafiee

Gambar oleh: Hairul Nizam Zahari

NAIB CANSELOR HADIR MAJLIS BACAAN YASIN SEMPENA PEMBUKAAN MANAGER'S COFFEE



UUM ONLINE: Langkawi - Naib Canselor, Prof Dato' Seri Dr Mohamed Mustafa Ishak telah menghadiri majlis bacaan Yasin dan doa selamat sempena pembukaan Restoran Manager's Coffee Langkawi di Jeti Kuah, semalam.

Majlis bacaan Yasin itu telah diketuai 40 pelajar Maahad Tahfiz Darul Amar, Langkawi.

Naib Canselor berkata, Manager's Coffee Langkawi akan mula beroperasi esok (hari ini) pada hari yang berkat iaitu Jumaat.

"Semoga perniagaan yang dijalankan ini diberkati Allah dalam usaha universiti menjana pendapatan, seterusnya secara tidak langsung hasil rezeki perniagaan ini dapat membantu golongan memerlukan menerusi pembayaran zakat.

"Selain itu, dengan adanya perniagaan ini juga dapat membantu membuka peluang pekerjaan kepada penduduk di sekitar Langkawi," katanya.

Restoran tersebut merupakan yang kedua selepas pelancaran Manager's Coffee pertama dalam kampus UUM yang beroperasi pada tahun lalu.

Perasmian Manager's Coffee Langkawi dijangka disempurnakan oleh Menteri Kementerian Perdagangan Dalam Negeri, Koperasi dan Kepenggunaan (KPDNKK), Dato' Seri Hamzah Zainudin pada 26 Ogos nanti.

Manager's Coffee merupakan jenama baharu keluaran UUM yang mana jenama unik ini memilih kualiti kopi tersendiri untuk diketengahkan di dalam pasaran.

Selain menyediakan kopi berkualiti, restoran itu turut melengkapkan lagi kemudahan tempat makan sedia ada yang bukan sahaja untuk warga UUM tetapi pengunjung yang datang ke pulau lagenda itu, seterusnya memperkenalkan jenama UUM sebagai peneraju perniagaan kopi di Malaysia.

DARIPADA:
UNIT KOMUNIKASI KORPORAT
UNIVERSITI UTARA MALAYSIA
☎ 04-928 3048/3049/3052/3061
☎ 04-928 3053
✉ ukkuum@uum.edu.my
f Universiti Utara Malaysia (Official FB)



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.